

**Prirodno-matematički fakultet**  
**Društvo matematičara i fizičara Crne Gore**

**OLIMPIJADA ZNANJA 2018**

Rješenja zadataka iz MATEMATIKE

za I razred srednje škole

- 1.** Odrediti sve proste brojeve  $p, q$  i  $r$ ,  $5 \leq p < q < r$ , takve da važe nejednakosti  $2p^2 - r^2 \geq 49$  i  $2q^2 - r^2 \leq 193$ .

**Rješenje:** Primijetimo da relacija  $5 \leq p < q < r$  povlači  $r \geq 11$  i posljedično je  $2p^2 \geq 49 + 121 = 170$ , tj.  $p \geq 11$ . Dalje, iz početnih nejednakosti dobijamo  $2q^2 - 193 \leq r^2 \leq 2p^2 - 49$ , što daje  $q^2 - p^2 \leq 72$ . Nejednakost  $(q-p)(q+p) \leq 72$  povlači sljedeće mogućnosti:

- (i)  $q-p = 2$  i  $q+p \leq 36$ , što daje  $(p, q) = (11, 13)$  i  $(p, q) = (17, 19)$ ;  
(ii)  $q-p \geq 4$  i  $q+p \leq 18$ , što je kontradikcija sa  $p \geq 11$ .


Ako je  $(p, q) = (11, 13)$ , onda  $145 \leq r^2 \leq 193$ , i  $r = 13 = q$ , što nije moguće. Konačno, u slučaju da je  $(p, q) = (17, 19)$  važi  $529 \leq r^2 \leq 529$ , i zato je  $r = 23$ . Dakle, traženi prosti brojevi su  $p = 17, q = 19$  i  $r = 23$ . □

- 2.** Odjeljenje broji 25 učenika. Dokazati da je moguće formirati najviše 30 različitih košarkaških ekipa od po 5 učenika, tako da bilo koje dvije ekipe nemaju više od jednog zajedničkog učenika.

**Rješenje:** Primijetimo da od 25 učenika možemo formirati  $\frac{25 \cdot 24}{2} = 300$  skupova od po 2 učenika. Naš zadatak sada svodimo na formiranje košarkaških ekipa tako da se svaki par učenika pojavi najviše u jednoj ekipi. Svaki košarkaški tim ima  $\frac{5 \cdot 4}{2} = 10$  skupova od po 2 učenika. Neka je  $n$  broj ekipa koje zadovoljavaju uslove zadatka. Tada je  $10 \cdot n \leq 300$ , inače bi postojao par učenika koji se nalazi u dvije različite ekipe. Dakle  $n \leq 30$ . □

3. U oštrouglogom trouglu  $ABC$  neka su  $K, L, M$  sredine duži  $AB$ ,  $BC$  i  $CA$  redom. Normale iz tačaka  $M$  i  $K$  na stranice  $AB$  i  $AC$  sijeku se u tački  $T$ , normale iz tačaka  $K$  i  $L$  na stranice  $BC$  i  $AB$  sijeku se u tački  $S$ , a normale iz tačaka  $M$  i  $L$  na stranice  $BC$  i  $AC$  sijeku se u tački  $Q$ . Dokazati da je površina šestougla  $KSLQMT$  jednaka polovini površine trougla  $ABC$ .

**Rješenje:**



Primijetimo prvo da je

$$P_{\triangle KLM} = \frac{1}{4} P_{\triangle ABC}, \quad P_{KSLQMT} = P_{\triangle KLM} + P_{\triangle KSL} + P_{\triangle LQM} + P_{\triangle MTK}. \quad (1)$$

Neka je  $O$  ortocentar trougla  $KLM$ . Kako je  $MQ \perp BC$  i  $OL \perp BC$  to je  $MQ \parallel OL$ , a kako je  $QL \perp AC$  i  $OM \perp AC$  to je  $LQ \parallel OM$ . Slijedi da je četvorougao  $OLQM$  paralelogram, odnosno da je  $\triangle OLM \cong \triangle LQM$ . Zato je  $P_{\triangle OLM} = P_{\triangle LQM}$ . Na sličan način se dokazuje da je  $P_{\triangle KSL} = P_{\triangle KLO}$  i da je  $P_{\triangle MTK} = P_{\triangle KOM}$ . Iz (1) slijedi da je  $P_{KSLQMT} = \frac{1}{2} P_{\triangle ABC}$ .  $\square$

4. Skup prirodnih brojeva razbijen je na dvočlane skupove  $A_n, n \in \mathbb{N}$ , tako da se svaki prirodan broj nalazi u tačno jednom od skupova  $A_n$ . Da li postoji razbijanje takvo da za svako  $n \in \mathbb{N}$  zbir elemenata iz  $A_n$  bude jednak  $2018 + n$ ? Detaljno obrazložiti.

**Rješenje:** Prepostavimo da postoji takvo razbijanje. Posmatrajamo skupove  $A_1, A_2, \dots, A_{2018}$ .

Neka su  $x_k, y_k$  elementi skupa  $A_k$ , i  $S$  suma svih elemenata iz skupova  $A_1, A_2, \dots, A_{2018}$ . Tada:

$$S = \sum_{k=1}^{2018} (x_k + y_k) = \sum_{k=1}^{2018} (2018 + k) = \sum_{k=1}^{2018} 2018 + \sum_{k=1}^{2018} k = 2018^2 + \frac{2018 \cdot 2019}{2}. \quad (1)$$

Sa druge strane, skupovi  $A_1, A_2, \dots, A_{2018}$  zajedno imaju  $2 \cdot 2018$  brojeva, pa važi:

$$S \geq 1 + 2 + 3 + \dots + 2 \cdot 2018 = \frac{2 \cdot 2018 \cdot (2 \cdot 2018 + 1)}{2}. \quad (2)$$

Iz (1) i (2) imamo da je:

$$2018^2 + \frac{2018 \cdot 2019}{2} \geq \frac{2 \cdot 2018 \cdot (2 \cdot 2018 + 1)}{2},$$

što nije tačno. Naša pretpostavka je netačna, pa ne postoji takvo razbijanje.  $\square$